

酒

概

自序

余陋平也少小面清和年  
生與王統神放陶澹何點  
為尚爰雲光遠阮咸胡毋  
補之徒名其粗石所及  
顧元時癡  
轉似過猶未厚於問之  
叢又

竄附曹參海論之鄉厓從  
君之氣錦遊之地遊于飛捷  
者去以爲向或人星張名否或  
且過訪在入其戶間如攤几向  
止朱翠中經之亭梅竹櫛禁  
左右靜器殊整與區畫山側

山石水品茅二而山多在冲流上  
德人汲之則確以為醕名在酒  
香味色一之氣海內士以辨青州  
淫多如雲如草如石如建如石如  
如善如石如石如石如石如石如  
聖清方之氣矣每結月未全

商人造以假藥害源之可惡  
至重死以假在多言即之選此  
以此藥不得開入亦時之僭叨  
司正奈且嚴且抗令申者輒  
去此對等一事法惜非而心如  
是法造洗酒居此之喉庶幾

破除萬事路是一生云尔而作  
婦胎僅此觀以為性命吾茅  
嘆而多言者甚有証尔悟之  
在姑存之曰卧覺無心之經持四  
與伏羞執悟而跡在持筆而流  
中與發精執喉歸保身云云

膏先得我心者如印時一杯  
字必虛之猶名後名而中矣  
程法踪屬為物之人所了於  
是輯酒祝二十二句質飲增同  
志褐之可困之沈沈題于泰之  
觀欲居

酒概二十二則

總目

卷一

一之源

二之名

三之器

卷二

四之釋

五之法

六之造

七之出

八之稱

九之量

十之飲



卷三

十一之評

十二之僻

十三之寄

十四之緣

十五之事

十六之異

卷四

十七之功

十八之德

十九之戒

二十之亂

二十一之令

二十二之文

目畢

酒概卷之一



震且醴民沈 沈困困父輯

海陵友弟

儲 煥君照父 校  
韓濤如巨源父

一之源

太古無酒用水行禮謂之玄酒禮記玄酒在室是已  
酒誥朝夕曰祀茲酒惟天降命肇我民惟元祀乃知  
酒之始爲祭祀設也戰國策儀狄作酒禹飲而甘之  
曰後世必有以酒亡其國者因相沿爲儀狄始作酒

子攷神農本草著酒之性味黃帝內經亦言酒之致病則非始於儀狄可知或曰王無功祠杜康而以太樂令史焦革配蓋始自康也夫杜氏本出於劉累在商爲豕韋氏武王封之於杜傳國至杜伯爲宣王所誅子孫奔晉遂有杜爲氏者是杜康或以善釀得名耳謂酒始於康益非矣然則酒果誰始乎予謂知者作之後世循之而莫能廢故聖人不絕人之所同好用於郊廟燕享以爲常亦安知其始於誰也古者食必祭先食飲必祭先酒初未嘗言所祭者爲誰天官

考天有酒星地輿圖地有酒泉由此觀之酒之作也  
直與天地並矣

二之名

玄酒

太古以明水爲禮後乃有玄酒一曰元酒

五齊

一曰泛齊二曰醴齊三曰盎齊四曰緹齊五曰沈

齊

周禮

齊者造作而有節量之名泛成而滓浮泛

泛然醴成而汁出渾厚而甜盎成而滃滃然慈白

色其味得中緹成而紅赤色沈成而滓沈於下則清矣醴以上尤濁盎以下差清五者酒之始也

三酒

一曰事酒二曰昔酒三曰清酒

周禮

事酒酌工事

者之酒味稍薄不可以久者昔熟而久者也其味厚故可久清醇酒也酒熟久則醇醇久則清

四飲

一曰清二曰醫三曰醬四曰醢

周禮

清涕醴而爲

之醫釀粥而爲之醬用米以漿謂之馘漿言米汁

相將也醅則稀粥之清者可飲也

醴 醖 醕 醗 醞 醠

醴醖在戶醕醞在堂

禮記

皆祭祀所用酒也

醴醕

古有醴醕

古史考

昔先王未有火化後聖有作然後

修火之利以爲醴醕

禮運

註云蒸釀之也蓋其物

出燧人作火之後爾

醴泉

堯登山山湧一泉味如九醞色如玉漿號曰醴泉

酒概

卷之一

三

天酒

卽甘露也

西北海外有人長二千里兩脚中間相去千里腹圍一千六百里但日飲天酒五斗不食五穀魚肉忽有饑時向天乃飽

神異經

琬液

王母薦穆王琬液清觴

初學記

黃封 堯尊

皆御酒也

湛露

喻御賜酒也詩湛露酌流霞

瓊蘇

南嶽夫人飲王子喬瓊蘇綠酒

南嶽夫人傳

玉膏 一名玉酒

瀛洲有玉膏飲數升令人長生

十洲記

玄碧

安期先生與神女會於國丘酌玄碧之酒

劉向列女傳

縹清

曹植賦曰蒼梧縹清



秬鬯

倅來志殷乃命寧予以秬鬯二卣曰明禋尚書註

云秬黑黍也一稔二米和氣所生鬯鬱金香草也

法酒

法酒猶言禮酌謂不飲之醉也一日作酒合法也  
一日進止有禮也

上尊

西漢重上尊酒以賜近臣酒有醇澆乃分上中下  
之名註云糯爲上尊稷爲中尊粟爲下尊恐非

美祿

酒者天之美祿帝王所以願養天下享祀祈福扶  
衰養疾百福之會

漢雋

糜欽酒

糜欽棗出真陵山食一枚大醉經年不醒東方朔  
嘗遊其地以一斛歸進上上和諸香作丸大若芥  
子每集羣臣取一丸入水頃刻成酒味踰醇醪謂  
之糜欽酒又謂之真陵酒仙薌酒飲者香經月不

歇

奚囊  
橘柚

酒樹

卷之一

五

油囊酒

王方平降蔡經家以千錢就餘杭一姥沽酒得一

油囊酒五斗許

仙媛記

蒲萄酒

西域有蒲萄酒積年不敗彼俗傳云可至十年飲之醉彌日乃解

博物志

有人久積蒲萄忘取遂自成

酒芳甘酷烈

桐馬酒

漢師學士十二人給大官桐馬酒

前禮樂志

舊註以馬

乳爲酒採桐葉乃成也 李奇曰漢武有桐馬官  
作酒桐合作桐推引也以馬之乳爲酒撞桐乃成  
馬駱味如酒飲之亦醉故呼馬酒 韋草爲皮兜  
受數斗盛馬乳撞桐之

### 屠蘇

昔人居草庵除夕遺里人藥令囊浸井中元旦取  
水置酒樽名屠蘇飲之不疫 元日飲屠蘇酒從  
小者起有問董勛者答曰俗以小者得歲故賀之  
老者失歲故罰之

初潭集

酒椒

卷之一

六

椒酒

元日進椒酒降神畢各舉椒酒於其家長

崔寔月令

栢酒

元日服栢葉酒以祛疫一云元日飲辟惡酒

婪尾

唐詩稱婪尾則以老者後得酒當有餘以優老

莊季

裕鷄 一云巡匝末坐者連飲三杯末坐遠酒行到

遲出故連飲以慰取貪婪之義

侯白酒令

一云唌尾白

樂天詩三盃藍尾酒改婪字爲藍悞矣

桑落酒

河中桑落坊井水所造也

魏書

汝南王元悅以桑

落酒餉人極其媚諛一云西羌有桑落河出馬乳  
和葡萄壓之庾信詩蒲城桑落酒杜甫詩坐開桑  
落酒張謂詩不醉郎中桑落酒教人無奈別離何  
索郎

試鶯家多美釀試鶯不善飲時爲宋遷索取試鶯  
曰此豈爲某設哉祇當索與郎耳因名酒曰索郎

真率齋

後人謂索郎爲桑落反音誤矣

蘭生

漢武帝百味甘酒也

玉薤

隋煬帝酒名得法於胡人者也

醪醑 翠濤

魏左相能治酒名曰醪醑翠濤常以大金甕內貯  
盛十年不敗太宗常有詩賜公云醪醑勝蘭生翠  
濤過玉薤十日醉不醒十年味不敗

釋史

桂酒 椒漿

莫桂酒兮椒漿

楚辭

注切桂於酒中

青田酒

烏孫國有青城核莫知其樹與花其實大如五六升瓠空之盛水俄而成酒甚美飲後更置水隨成酒宋有劉章曾得二枚集賓設之一核纔盡一核又熟可供二十客名曰青田酒

珊瑚鈎詩話

白墮

劉白墮善釀六月以罌貯酒曝於日中經旬其味不動而愈香美朝貴相餉踰於千里以其遠至號



曰鶴觴亦名騎驢酒永熙中青州刺史毛鴻賓齋酒之官路逢盜劫之皆醉因執之乃各擒奸酒時人語曰不畏張弓拔刀惟畏白墮春醪

伽藍記

駐顏酒

立夏日婦女作李會取李汁和酒飲之曰駐顏酒

玄池子

說林

湘醪酒

衡陽縣有鄴湖釀酒醇美謂之醪酒

湖州記

詩湘醪

徒有酌意塞不能持晉平吳始薦醪酒於廟是已

醪酒最有名卽魏太武得便大進者

醪醕

穆帝正月朔朝會賜衆客醪醕酒

晉書

河東酒

韋瓊志尚夷簡徵召不屈帝勅有司日給河東酒

一斗號曰逍遙公

語林

含春玉

唐末馮翊城外酒家門額上書云飛空却回顧謝  
此含春玉字末又書云酒也人謂曰洞賓題

酒概

卷之一

九

椒盧漿

後唐時高麗遣廣平侍郎韓申乙來申乙通書史  
臨回召對便殿出新貢椒盧漿賜之

裨史

天祿

王審琦微時與太祖相善後以佐命功情好尤切  
性不能飲每會宴太祖不樂一日酒酣舉盃祝曰  
審琦布衣之好方共享富貴酒乃天祿何惜不賜  
飲耶祝畢顧審琦曰第試飲之審琦不得已飲盡  
無苦自是侍宴卽能飲退還私第則如初

石林燕語

二色酒

西門季女造二色酒白酒中有墨花斟於器中花亦不散其中有肝石故也崔道旅以金銀銅錢來酤曰以我三樣錢買君二色酒欲辭得乎

常新錄

歡伯

謂酒之可愛無貴賤賢不肖夷夏共甘而樂之歡伯之義本此

易林

酒爲歡伯除憂成樂

魚兒酒

裴晉公常以魚兒酒飲客其法用龍腦凝結刻成

小魚兒狀每用沸酒一盞投一魚在其中甚佳美  
黃羊酒

關右塞上有黃羊無角色類麀鹿人取造酒以荻  
管吸於瓶中杜詩黃羊飯不羶蘆酒還多醉謂此  
金蘭酒

燕西有金蘭山汲其泉以釀號曰金蘭酒

崑崙觴

魏賈瑤蒼頭善別水常乘舟於黃河中以匏瓠接  
河源水七八升經宿色如絳以釀酒名崑崙觴芳

味絕世

酉陽雜俎

播酒

明朝有酒充君信播酒三餅寄夜航

皮日休詩

播酒江

外酒名

沈約集

醪醪

醪深碧色酒之清者曰醪崔浩嘗論事帝大賜御

醪醪酒及水晶鹽曰味卿言有如此鹽酒

流香酒

淳熙時初伏周必大以待詔侍講賜流香酒四斗

洞庭春色

安定郡王以黃柑釀酒謂之洞庭春酒色香味三  
絕趙德麟以黃柑釀酒東坡作洞庭春色賦遺之  
梨花春

杭州釀酒趁梨花熟號梨花春白公詩紅袖織綾  
誇柿葉青旗沽酒趁梨花

丑未觴

宋開運中賜丑未觴用牛羊脂爲酥置醇酒中煖  
消而後飲之

崔家酒

後五代張白放逸嘗題崔氏酒樓云武陵城裏崔家酒地上應無天上有雲遊道士飲一斗醉臥白雲深洞口

金花酒

謂九日菊花酒也詩他鄉共酌金花酒

醑醑

金花臘酒解醑醑

詩

桃花酒

酉

卷一

一



酒漬桃花而飲之能除百病好容色

松花釀

何時故山裏却醉松花釀

詩

一曰松醪山家酒也

又詩松醪酒熟旁看醉

三昧酒

低樹夕陽亭共傾三昧酒

柳詩

酥伽

天竺國謂酒爲酥伽後北僧多云般若湯蓋匿詞

以避法禁耳

釋史  
彙編

九醞

一名九醇

張華有九醞酒每醉必令人轉展久之偶故人來與共飲忘勅左右至明華視之腹已穿酒流床下

消腸酒

張華爲酒煮三薇以漬麴蘖釀酒醇美久含令人齒動若大醉不搖蕩使人腸爛俗謂消腸酒

若下

村人取若下水以釀酒極美故世傳若下酒

輿地志

宜春

安成宜春縣出美酒

吳錄

贊夏

酒則五麴贊夏蕤賓顯名

風土記

簞醪

昔良將有饋簞醪者投於河令將士迎流而飲之

三軍乃樂爲之死

黃石公記

詩簞醪結猛將

凍酒 高寧酒

高昌遣使獻蒲桃乾凍酒帝命杰公迓之杰公謂其使曰蒲桃七是涇林二是無半凍酒非八風谷

所凍者又無高寧酒和之使曰其年風災蒲桃不  
熟故駁雜凍酒奉王急命耳帝問杰公羣物之異  
對曰蒲桃滲林者皮薄味美無半者皮厚味苦酒  
是八風谷凍成者終年不壞今嗅其氣酸高寧酒  
滑而色淺故云然

### 黃流

鬱鬯也釀秬黍爲酒築鬱金煮而和之使芬芳也

詩經

瑟彼玉瓚黃流在中

### 玉瀝

山中有雜桂玉瀝乃共斟

詩

餘杭酒

十千兌得餘杭酒

丁仙芝詩

麴生

唐葉法善有道術一日會數朝士滿坐思酒忽有人稱麴秀才突入坐少年美秀談論不凡法善以飛劍擊之應手墮地化爲瓶榼中有美酒共飲之皆曰麴生風味不可忘也

開元傳信記

狂藥

石崇與裴楷孫綽酣飲而綽傲慢過度崇欲表免  
之楷曰季舒酒狂四海所知足下飲人狂藥而責  
以正禮乎

裴楷  
別傳

竹葉

竹葉泛三清

詩

郎官清

谷酒名承君折送袁家紫令我興起郎官清

詩

拋青春

且可勒買拋青春

韓詩

治聾酒

李濤小字社翁時李公昉爲翰林學士月給內醞  
濤因春社寄昉詩云社公今日沒心情爲寄治聾  
酒一瓶惱亂玉堂將欲遍依稀巡到第三廳俗云

社日酒號爲治聾酒

賈氏  
談錄

霹靂酒

暑月候雷霆時收雨水淘米炊飯釀酒名曰霹靂

酒醉鄉  
日月

百藥長

詔曰酒爲百藥之長

前食貨志

郫筒酒

郫人傾春釀於竹苞以蕉葉文斷之以獻號郫筒酒又郫出大竹土人截以盛酒故名杜詩酒憶郫筒不用沽

生春酒

德宗卽位劍南貢生春酒

本紀

碧芳酒

房壽六月擣蓮花製碧芳酒涼物也

叩頭錄



鷓鴣酒

肅宗張皇后專權每進酒常寘鷓鴣酒令人夕醉

健忘

酉陽雜俎

換骨膠

憲宗採鳳李花釀換骨膠晉國公平淮西回黃帕

金瓶遠賜二斗

叙聞錄

真珠紅

小槽酒滴真珠紅

李賀詩

茅柴酒

飲慣茅柴諳苦硬不知如蜜有香醪

韓子謂苦硬  
茶詩

之酒如茅柴火焰易過也

魯酒

楚會諸侯魯趙皆獻酒於王主酒吏求酒於趙趙  
不與吏怒乃以趙厚酒易魯薄酒奏之楚王以趙  
酒薄遂圍邯鄲故曰魯酒薄而邯鄲圍

淮南子

十旬

酒一百日成也九醞甘醴十旬兼清

南都賦

快活湯 一名君子觴

當塗一種酒麴皆發散藥見風卽消旣不久醉又無腹滯之患人呼曰快活湯又呼爲君子觴

萬花谷

麻姑酒

以建昌麻姑山泉釀酒得名

百氏漿

百氏漿雜瑞樣酒卽百家酒

臘酒

臘月造酒四月成

韋氏月錄

梅聖俞詩欲爲三伏美方

俟十旬清卽此

乳泓

白酒也

詩

潑雪披雲得乳泓

鷄鳴酒

卽一宿酤也

鯽魚酒

以線懸鯽置煮酒中

蜜林檎

言味如蜜色如林檎

旋復酒

酒既

卷之二

上

卽夏菊花生野中取其能明目去痰又名全復春  
椴酒

椴木汁可爲酒

巖樹酒

瓊州有木名巖樹擣其皮浸以清水以粳米釀和  
之或取石榴花葉和醞數日成酒能醉人

一統志

茵茵秋珠

田子之醞多用花蕊夏麴冬釀名曰茵茵秋珠

樹頭酒

緬甸夷有樹頭椶高五六丈結實大如掌土人以  
麩納罐懸置實下割實取汁流於罐以爲酒

一統志

### 桃核酒

蜀後主有桃核二扇每扇盛水五升良久成酒能

醉人更互貯水以供其宴

酉陽雜俎

### 千里酒

出桂陽飲之逾千里至家而醉

南史

### 千日酒

齊人田無已釀千日酒過飲一斗醉臥千日方醒

官法酒

東坡云今日於叔靜家飲官法酒烹團茶燒牙香  
用諸葛筆皆北歸善事

外記

安仁醞

拔黃袍以授酒置屣以酌醞

潘岳賦

坡詩云方傾安

仁醞莫遣公遠嗅

梅醞

坡云惠酒絕佳舊惠州以梅醞爲冠此又遠過之  
牢落中得一醉之適非小補也

長公外紀

澄明酒

扶餘國所貢色紫如膏飲之令人骨香

宣室志

菊酒

戚夫人侍兒賈佩蘭後出爲段儒妻說在宮內時

九月九日佩茱萸食蓬餌飲菊酒云令人長壽菊

舒時並採莖葉雜黍米釀之至來年九月九日始

熟謂之菊花酒

西京雜記

百末

百末旨酒

漢書

注百華末酒一云百米百日之米

酉既

卷之一

二十



酒也

八色酒

唐太宗破高昌收馬乳葡萄實於苑中種之并得  
其酒法損益造酒成八色芳辛酷烈頒賜羣臣京  
師始識其味

瑞露酒

帥司公厨酒也經撫廳有井清冽汲以釀遂有名  
逡巡酒

韓湘子解造逡巡酒能開頃刻花

紅泥酒

謝公樓紅泥酒張曲江詩謝公樓上好醇酒二百  
青蚨買一斗罈用紅泥

雲液

劉孝標云松子玉漿衛卿雲液蘇詩花前白酒傾  
雲液又揚州雲液却如酥

黃酒

皇甫子奇以色如金而味醇且苦者名之曰酒賢  
杜詩鷺兒黃似酒

綠酒

翡翠側身窺綠酒

秦少游詩

甜酒

人生幾何春已夏不放香醪如蜜甜

杜詩

量大厭

甜酒才高笑小詩

白詩

玉浮梁

李白好飲玉浮梁謂浮蛆酒脂也

稗史彙編

玉練槌

浦江月泉吟社詩村酒柔情玉練槌

瓮中雲

易毅夫所製坡詩床頭一瓮雲

滴酒

和米麴以茅盛蓋候氣蒸漿滴故名

欽州靈山志

餅面

江東初熟酒諺云餅面猶可比瓮頭

蘭亭紀原

沈釀

漢鄭泓爲靈文鄉嗇夫行官京洛未至宿一埭名  
沈釀道逢故友四顧荒郊酤酒無處懷抱不開乃

以錢投水中依次而飲飲盡酣暢皆得大醉

漢書

米汁

蘇晉嘗言彌勒綉佛好飲米汁正與吾性合常於市中飲酒人不識也

雙投 三拗

宋時酒名

縹玉 金漿

樽盈縹玉之酒爵獻金漿之醪

枚臯賦

梁人作蔗酒

名金漿

椒芳 玉液

瓶瀉椒芳壺開玉液

文選

金盤露 椒花雨

楊誠齊名酒軟瘦者曰金盤露勁烈者曰椒花雨  
養生主 齊物論

唐子西謫惠州名酒之和者曰養生主勁者曰齊

物論

鶴林  
玉露

釣詩鈞 掃愁帚

應呼釣詩鈞亦號掃愁帚

東坡  
酒詩

酉既

卷之十一

三十一

青州從事 平原督郵

桓公有主簿善別酒有酒輒令先嘗好者謂青州從事惡者謂平原督郵青州有齊郡從事言到臍平原有鬲縣督郵言在臆上住

說林

上箬 下箬

吳興有箬溪故取其上流下流之水而名

吳興志

黃玉清 白玉清

田子名黃白茶蘩

月波 月醴

宋隆德酒名

玉友 紅友

曾端伯名酒爲玉友劉跋作傳

聖人 賢人

魏太祖禁酒而人竊飲之故難言酒以清酒爲聖人濁酒爲賢人

君子 中人 下人 愚人

家造秫酒爲君子家造黍酒爲中人巷沽黍酒爲下人酸濁酒爲愚人



瓊花露 薔薇露

唐時酒名

龍胎醴 樂浪酒 紫漿

俱見酉陽雜俎

玉醅 金醅 綠醅 春醅

皆酒名

蓬萊春 風光春

唐人名酒多以春

浮蟻 春螳 漂蟻 素蟻 白蟻 綠蟻

酒有泛齊浮蟻在上洗洗然

爾雅

浮蟻鼎沸

文選

酒初開其浮蟻如鼎之沸也詩浮蟻擅蒼梧庾信  
詩春蠶未曾開蠶蟻同初學記漂蟻分布詩綠觴  
素蟻流霞飲

### 雍宮集大成

雍都酒海也梁奉常和泉病於甘劉拾遺玉露春  
病於辛皇甫別駕慶雲春病於醴光祿大夫韋炳  
取三家酒合嘗飲之遂爲雍都第一名雍宮集大  
成雍宮乃耀州青榼也

釋史

江村 卷之二 三三

樂道羹

周維簡隱於洪州西山嘗云得米三口作樂道

羹七百二十椀足了一年支費

水綿襖

北人諺語又名裏牽綿

三之器

樽尊 罇罇 甌甌 樽樽 盞盞 何

汗尊而抔飲禮運註鑿地為樽此樽名始也禮記

壘樽在昨犧樽在西

六尊

一犧尊刻牛形鑿背以受酒一象尊刻象形一著尊底著地無足一太尊太古瓦尊一山尊刻山雲形皆待祭祀賓客之禮夏山尊殷著尊周犧象尊三彝 一曰灌尊

夏后氏以雞彝商以斝周以黃目此三彝之始

琖蓋同斝 爵

夏后氏以琖殷以斝周以爵

泰

酒既

卷之一

三

瓦尊有虞氏之尊也

觚

觚同

鄉飲酒爵受二升說文作三升韓詩外傳作一升  
觚寡也飲當少也

角

以角爲之觸罪過也受四升

觶

觶同

觶適也當適可也以角爲之受三升

觥

小觶卮

卮

六國以來多名曰卮

既

杯屬古人多以金玉爲之

散

受五升田子曰散分離也客當散去也

瓘

左傳曰瓘也廣韻曰受五升

斗

取象於北斗受十升周禮作豆俗作斗

卣

中尊也有三品上彝三斗中卣五斗下壘六斗

詩

經

釐爾圭瓚秬鬯一卣

甒

紂臣昆吾作瓦甒受五斗禮記君尊瓦甒方言甒  
中寬上銳下砥

壘

象雲雷施不窮也受一石金壘龜目酒尊似壺山壘夏尊雷壘鬮尊漢孝王製

鴟 甝 甝

大一石小五斗

於 禁

出禮記大夫用於士用禁皆承酒尊之器

盞 盞

盞也

鍾



二缶謂之鍾

鈺

飛

甕

鈺同

似鍾而頸長

盥

枕

甕同

小孟也

缶

一曰甕

甕

小瓦盆秦人擊之以節歌益也實二鬴

坎

爾雅小壘謂之坎

經

陶人爲酒器曰一經二經三經四經五經

程

酒量名十髮爲程十程爲分

白

罰爵也大白魏文侯浮之大白

盞

破瓢爲杯也昏禮壻揖婦入共牢而食合盞而酌

缸

傾樽與斟酌四壁堆罍缸

韓詩

盃 械 盪 間 盪 盃 盃

枳也秦晉之郊曰盃關東趙魏之間曰械或曰盪  
其大者謂之間吳越之間曰盪齊右平原以東曰

盃枳其通語也

楊雄  
方言

觴

卮總名奉觴稱觴舉觴銜觴覆觴行觴流觴緩觴  
盪觴所見古史不一

杯

聞

枳

盃

盃

區同

漢李尤杯銘曰小之爲杯大之爲聞杯聞之用無施不可

### 武文

飲器大者曰武小者曰文

醉鄉日月

### 罍

捧罍承糟

酒德頌

唐左相貯酒於金罍又辛仲宣截

竹爲罍以酌酒曰吾性愛竹及酒欲令二物相並

爾

襄陽耆舊傳

### 匜

杯也似錡

錡

孟信與老人以鐵錡溫酒

史記

錡煮酒器象鼎而

高今通以爲蒸飪之具李白云舒州杓力士錡

錡

簞 榼 瓢

瓢

皆瓢勺也

勺

杓同

禮明堂位曰勺夏以龍勺商以疏勺周以蒲勺皆  
裸爵龍疏蒲勺飾也杓之具當有虞始創故無飾

至夏后加以飾杓卽勺也祭祀曰勺民用曰杓其實一耳或以勺所容不過升而杓則加廣矣

同

爵名祭以酌酒上宗奉同瑁

顧命

盆 一曰盎

盆槃也載酒而寘之座中也杜詩莫笑田家老瓦盆自從盛酒長兒孫

盂

襍田者持一豚蹄酒一盂曰五穀皆熟所持者狹

所欲者奢

淳于髡傳

壺

圓器壺便提挈以故陶令挂於車上呂公負於杖頭詩云顯父餞之清酒百壺

觥

酌彼兕觥

卷耳

兕觥其觶

桑柔

觥可受七升兕如

野牛一肉善抵觸故制罰爵以爲酒戒

朋

詩經朋酒斯享兩尊曰朋

餅壘

餅小壘大皆酒器也

詩經

餅之罄矣維壘之恥

鎗

自晉以來酒器多云鎗故南史有銀酒鎗

船

酒舟也吳鄭泉曰願得美酒滿五百斛船以四時  
甘脆置兩頭晉畢卓曰給酒滿數百斛船以四時  
甘味置兩頭二事正相類今酒船以金銀爲之內  
藏風帆十幅注酒滿一分則一帆舉飲乾一分則



一帆落真鬼工也

瓠 瓠 缶 甌 甌 甌 甌 甌 甌 甌 甌 甌 甌 甌 甌 甌 甌

皆瓮也出方言

獸尊

晉元旦設白獸尊於殿廷蓋上施白獸獻直言者

發此尊飲之

禮樂志

銅樽

韓王元嘉有一銅樽背上貯酒而一足欹滿則正立不滿則傾又爲銅鳩毡上摩之熱則鳴如真鳩

之聲

朝野  
僉載

黃目

鬱氣之上尊也黃者中也目氣之清明者也言酌於中而清明於外也

禮記

九霞觴

許碯嘗醉吟云閨苑花前是醉鄉  
踢翻王母九霞觴  
羣仙拍手嫌輕脫  
謫向人間作酒狂

常滿

周穆王時西王母獻常滿杯

十洲記

鴻夷 一名滑稽

漢代多以鴻夷貯酒楊雄贊曰鴻夷滑稽腹大如壺盡日成酒人復借沽

玄瓚 玉瓚

玄瓚禮器玉瓚圭瓚也以圭為柄黃金為勺也

盤盞

周官司尊彝之職六彝皆有舟鄭司農云舟尊下臺若今承盤盞今世所用盤盞之象其事已畧見於漢書則盤盞之起亦法周人舟彝之制而為漢

世承盤之遺事也

栝杓

沛公鴻門之會不勝栝杓

項羽傳

陽燧

尊名轉注吐酒不已

竈勺

楚辭瑤漿竈勺竈通作窠以疏布蓋尊也

椰杯

林邑王與越王有怨遣刺客得其首因梟於樹已

而化爲椰子林邑王憤之乃命製爲飲器越王當  
刺時方大醉故今柳漿味尚如酒飲之可醉

注子 一曰轉注

唐元和初酌酒用樽勺雖十數人一樽一勺了無  
遺漏未幾改用注子

事始

偏提

林和靖詩身上祇衣麤直掇馬前長帶古偏提偏  
提猶今酒斝也形如罍而蓋嘴柄皆具元和中仇  
士良惡注子名尙鄭注乃云其柄安絛着鞭而小

異之目曰偏提

三雅杯

三盃同

閩州有三雅池出潘遠紀聞譚云昔有人修此池  
得三銅器狀如杯盞上各有二篆字伯雅仲雅季  
雅不知所由乃名此池爲三雅池載覽魏文典云  
靈帝末斗酒直萬金劉表一子好飲乃制三爵大  
曰伯雅中曰仲雅小曰季雅今三雅池所得乃劉  
氏酒器也大注一斗中注七升小注五升

紫霞杯

酒斝

會稽鄧經有紫霞杯其造傳自宣和徽宗常賜名  
太乙杯飲酒可療弱疾有學士爲之贊曰剖丹砂  
割乳石杵玄金白璧陽燧方諸溢離化精坎  
成質規其形運軋則虛其中涵太極假靈氣薦瓊  
液丹田滋玉池漏九蟲遁三尸匿齊日月壽罔息  
商厥功疇敢匹羽觴潛太白斥宋大觀求所擇錫  
以字曰太乙越之邑鄧氏逸器斯製垂無斁

大斗

酌以大斗以祈黃耇

行葦

大斗長三尺謂從大器

挹之於樽也

文螺卮

漢武帝思李夫人容色悲怨侍者進以洪梁之酒  
酌以文螺之卮卮出波祗國酒出洪梁縣

拾遺記

九曲盃

以螺爲盃亦無甚奇惟殼尤極灣曲可以藏酒號  
爲九曲螺盃

叵羅

祖珽神武宴僚屬失金叵羅於珽髻中得之

北史



李詩蒲萄酒金叵羅吳姬十五細馬馱

不落

酒器也樂天詩銀花不落從君勸馮玉家有水晶  
不落一枚

鑿落

亦酒器

韓昌黎詩

酡顏傾鑿落

姜白石詩

剪燭屢呼金鑿落

胡餅

唐太宗賜李大亮胡餅曰雖無千鎰乃朕自御者

鄭子瓊言卽今壺餅也

王昌齡詩

胡餅落膊紫薄汗

朱提

瓶曰朱提貞觀時潛泉浮酒通沽轉注瓶受百斛  
回紇數千人飲畢尚不能半漢朱提山出銀韓退  
之我有雙飲酸其銀得朱提

小蠻

白居易詩還攜小蠻去試覓老劉看方回云小蠻  
酒榼也非舞腰

巨觥

宋李仲容侍讀善飲號李萬回真宗飲無敵飲則

酉既

卷之二

三

召公仲容曰告官家免巨觥

龍杓

牛僧孺文宗賜彝樽龍杓曰精金古器以比君子

杜舉

知悼子卒未葬平公飲酒師曠李調侍鼓鐘杜蕢  
自外來聞鐘聲曰安在曰在寢杜蕢入寢歷階而  
升酌曰曠飲斯又酌曰調飲斯又酌堂上北面坐  
飲之降趨出平公呼之曰蕢曠者爾心或開予是  
以不與爾言爾飲曠何也曰子卯不樂知悼子在

堂斯其爲子卯也大矣曠太師也不以詔是以飲之爾飲調何也曰調君之褻臣也爲一飲一食忘君之疾是以飲之爾飲何也曰蕢宰夫也非刀匕是共又敢與知防是以飲之公曰寡人亦有過酌而飲寡人蕢洗而揚解公謂侍者曰如我死必毋廢斯爵也至于今旣畢獻斯揚解謂之杜舉

檀弓

### 解語杯

陶九成命美人捧荷花擎杯心而飲

### 五位瓶

南唐以銅爲之高三尺圍八九尺上下直如桶樣  
安嵌蓋其口有微竅可傾酒春日郊行家家用之  
小海甌

耀州陶器平底深盃狀簡古

酒杯藤

大宛藤香美爲杯以酌酒有文章映徹可愛

續博物志

椰子榼

出廣州張安國有詩今有柳瓢柳琖

竹絲琖

椶椏織成花鳥可愛

椶椏盃

其木出渤海國文縷可愛其瘦可爲盃田子詩全  
傾旋覆酒滿注椶椏盃旋覆花也

飲器 柶盃

趙襄子漆智伯頭爲飲器又匈奴破月氏王以頭  
爲飲器又元僧漆宋理宗髓骨爲飲器史記注柶  
盃也飲酒器

鐵杯

漢武以鐵杯飲羌胡不能舉

瑪瑙盃

魏后奇器容三升玉縫之人稱西域鬼作陳江總  
有瑪瑙盃賦

蠡杯

用邁羽杯珍踰渠椀

梁陸倕蠡杯銘

半破瓢以酌水曰蠡

車渠椀

玉屬織理縵文出西域車渠國

魏文帝賦

曹植應瑒徐

幹各有賦

照世杯

出撒馬罕兒國光明洞徹照之可知世事

美人壺

以銀範美人形髮中入酒傍立一鳳前擎荷葉一片以銀杯一枚置葉上葉卽少低鳳口中吐酒杯滿卽止不歉不溢舉杯則葉仍浮起鳳口曾無餘滴飲盡復置之則復注如前凡容酒十二杯不煩人力轉輸若神不知起於何代

栝落

酒概

卷之一

四



盛杯器籠也

杯圈

父母没而杯圈不能飲焉口澤之氣存焉爾

禮玉藻

圈棬同屈木所爲卮匝之屬也

衢尊

古人以中衢設尊過者斟酌各得其宜

水精杯

武德二年西域罽賓國獻玻璃水精杯

自煖杯

內庫有青酒杯紋如亂絲其薄如紙以酒注之温  
温然有氣相次如沸湯各自煖盃開元遺事一日唐  
王有煖玉盃不煖自熱

### 神童盞

文宗時宦豎專橫頗以酣飲爲娛嬪御厭苦之爭  
賂內執事造金盞以金蓮荷葉菱芡爲玦束盤其  
實中空盞滿則潛引入盤中人初不知也遂有神  
童盞之名

### 竹根

以竹根爲飲杯也

江淹集

杜詩醉倒終同臥竹根

瘿木杯

松陵唱和有瘿木杯詩蓋用木節爲之卽田子石雲瓢之類

蓮子杯

形如蓮蓬中置銀仙人一能浮能沈周圍蓮子六枚心中暗藏銀牌六面上各有字傍有莖入酒初注酒則左浮一面飲盡則沈又注酒則右浮一面飲盡亦沈入酒則同而左右不紊凡六注而周其

仙人則常偕浮偕沈也非鬼工而何

玉蓮杯

王永年嘗置酒延賓下楊繪出其妻間坐妻以左  
右掬酒以飲下繪謂之曰白玉蓮花杯

東軒  
筆記

金蓮杯 一名雙鳧杯

楊鐵崖耽好聲色每於筵間見婦女有纏足纖小  
者則脫其鞋載以行酒謂之金蓮杯曰雙鳧者人  
但知王喬飛鳥事而不知女人綉鞋亦名雙鳧

紫金琖

牡丹詩有國色朝酣酒天香夜染衣句明皇謂妃  
子曰粧臺前飲一紫金盃則此詩可見矣

松憲  
雜錄

服匿

陸遜博覽竟陵王得古器小口大腹方底容七八  
升澄曰此名服匿昔單于以與蘇武王視器底有  
字如澄言

齊史

服匿如甕用受酒酪東北界人呼

小石甕

青華酒杯

關關贈俞本明以青華酒盃酌酒輒有異香在內

或有桂花或梅或蘭視之宛然若影酒乾亦不見  
矣俞寶之

真率齊  
筆記

歇馬盃

開元中天下康樂自昭應縣至都門官道左右當  
路布酒錢量數飲之亦有施者爲行人解乏故路  
人號爲歇馬盃亦古人循尊之義

縹瓷 大邑瓷

傾縹瓷以酌醕醑

笙賦

陶器堅緻者杜詩大邑燒

瓷輕自堅

矯胡

柳子榼也詩矯胡雖木強醇德真無涯

流觴

晉武問曲水之旨束皙曰周公城洛邑因流水泛酒故逸詩云羽觴隨波又秦昭王三日置酒河曲見金人捧水心之劍曰令君制有西夏因此立爲曲水

束皙傳

引以爲流觴曲水列坐其次

蘭亭序

山尊

李白有山尊詩尊成山岳勢材是棟梁餘

鱉魚殼 訶陵尊

訶陵國以鱉魚殼爲酒尊

瑠璃盃

王丞相與朝士共飲舉瑠璃盃謂伯仁曰此盃腹殊空謂之寶噐何耶答曰此盃英英誠爲清徹所以爲寶

托子

建中初崔寧女以金盞無儲病其熨指取牒子承之旣啜而盃傾乃以蠟環牒子盃遂定卽遣匠以



漆環易蠟寧奇之製名托子遂行於代

碧筒

魏鄭公慤避暑歷城之北林取大蓮葉置硯格上貯酒三升以簪通其柄屈莖如象鼻傳翕之名爲碧筒

酉陽雜俎

一名荷葉杯一名象鼻杯

酒器九品

李適之有酒器九品蓬萊盞海川螺舞仙螺瓠子卮幔卷荷金焦葉玉蟾兒醉劉伶東溟樣蓬萊盞上有山象三島注酒以山沒爲限舞仙盞有關捩

酒滿則仙人出舞瑞香毬子落盞外

逢原記

酒魁

蜀器象北斗有魁柄

青田榼

烏孫國劉璋號青田壺

七寶盃

隋文帝厥突崙器

玻璃七寶

唐玄宗以酌李太白

琉璃盃

韓詩靈液屢進琉璃盃

銀鐺

金屬有耳足齊明帝欲壞銀酒鐺又竟陵王子遺  
徐景山酒鐺

神通盞

南唐文宗製

玉琖 琥珀琖

皆宋乾德高昌國貢

金魚英琖

陶穀製琖中有園林美女之象

兔絲盞

宋製

藥王盞

蘇子瞻酒器

琉璃卮

見傅咸賦

竹罍

截竹飲酒辛仲宣器

沈香琰 瑇瑁琰 鶴頂杯

俱海南酒器

丹砂杯 青霞杯

皆田子所名

汕碗

折酒大器汕舒散也

渾脫

酒器

草木子

銀平脫破觚 八斗金渡銀酒瓮

皆唐賜安祿山酒器

流光爵

文帝流光寶爵置之日中則光氣連天

宣室志

舞胡子

北齊蘭陵王爲舞胡子每會飲王意所欲勸胡子

則捧杯揖之

朝野僉載

酒山撲滿 欵器

開元初馬待封所造酒山立於盤中其盤徑四尺

五寸下有大龜承盤機運皆在龜腹內盤中立山  
山高三尺峰巒殊妙繞山皆列酒池池外復有山  
圍之池中盡生荷花及葉皆鍛鐵爲之花開葉舒  
設脯醢珍果佐酒之物於花葉中山南半腹有龍  
藏半身於山開口吐酒下大荷葉中有盃承之盃  
受四合龍吐酒八分而止當飲者卽取之飲酒若  
遲山頂有里閣閣門卽有催酒人具衣冠執板而  
出於是歸盞於葉龍復注之酒使乃還閣門卽閉  
如復遲者使出如初直至終宴終無差失山四面

東西皆有龍吐酒雖覆酒於池池內有穴潛引池中酒納於山中其席闌終飲池中酒無遺失斝器二在酒山左右龍注酒其中虛則斝中則平滿則覆卽魯廟所謂侑坐之器也

紀聞

滿眼酌

酒器也杜詩爲君沽酒滿眼酌

康爵

康虛也詩酌彼康爵

合匏



合卺謂破匏爲之卽匏爵

三禮圖

風甌

漢成帝欲立飛燕謝后歌歸風送遠之曲以文犀節擊玉甌酒酣風起后揚袖曰仙乎仙乎去故而

就新

漢書

金屈卮

御宴酒盃皆金屈卮如菜椀而有手把子

夢華錄

盧罌

趙廣漢爲京兆突入霍禹第搜索私酤椎破盧罌

義樽

東坡在黃州隣郡送酒令置一器謂之雪堂義樽

酒海

雍都韋炳有酒海受一斗

窪尊 石尊

李適之元次山酒器

香螺 玉窪

皆酒杯名

緯畧

蝦杯

自見

家

見

廣州人取大蝦頭爲杯南越志南海以蝦頭爲杯鬚

蟹杯

以金銀爲之飲不得法則雙螯鉗其唇必盡乃脫其製甚巧

鳳嘴杯

田集中曾載鳳嘴杯詩已極其形狀又聞投之以鳩毒諸酒必裂當時試之果然今按有鳥名鷓鴣大而勾長一尺赤黃色受二升南人以爲酒杯或

此類或言鳳骨黑色向是白者豈五色鳳骨異邪  
鷓鴣杯

鷓鴣水鳥黃啄長尺餘南人以爲酒器

益州記

螺杯

侃上成帝螺杯一枚

陶侃故事

鸚鵡螺

杯形如鳥頭向其腹視似鸚鵡故名

南州異物志

龍螭杯

以大海螺刻其中爲出水龍形頭角宛然底尖以

藤架盛之出海南

鵲尾杓

陳思王杓柄長置之酒樽凡王欲勸酒者呼之則尾指其人

僉載

燕羽觴

江南中書省宰相飲器有燕羽觴一似常盃而狹長兩邊作飛燕羽形塗以佳漆

白鷄盞

柳亨飲未嘗醉有白鷄盞取其迅速也

朝野僉載

鸞觴

刻杯爲鸞鳥之形稽叔夜鸞觴酌醴

鸚鵡卮

唐昭宗器

銅鶴尊

元嘉銅尊鶴形注酒則一足倚滿則正不滿則傾

火鷄卵盃

注酒自熱

越王鳥杯

越王鳥似鳶而喙勾可受二升南人以爲酒杯

紫皮鴟

漢書師古曰盛酒器

鶴飛盞

周益公以一湯盞贈貧友歸以點湯纔注湯其中

雙鶴舞啜盞始滅斟酒亦然

夷堅續志

抵鵲杯

類珉淺黃色

酒龍

以銅鑄爲龍象吐酒而飲之

鸚鵡杯 鸕鷀杓

金母召羣仙宴於赤水坐有碧金鸚鵡杯白玉鸕

鷀杓杯乾則杓自挹欲飲則杯自舉

謝氏詩源

梁宴魏

使魏肇師舉勸鸚鵡杯徐君房飲不盡肇師曰海

蠡蜿蜒尾翅皆張非以爲玩亦以爲罰今日不得

辭雜俎海蠡刻鸚鵡形也

羽觴

綴羽於上以速飲故名一曰觴輕如鳥羽之飛



集賢榼

唐明皇召張果至賜酒曰臣有弟子能飲俄而小道士自殿簷而下美風姿善談笑飲一斗不醉果曰不可更飲又逼飲之酒從頂出仆地乃一酒榼

集賢院物也

續仙傳

侍郎榼

李泌虛誕有人送酒對客云麻姑送酒來與君飲忽問者曰某侍郎取榼子泌命倒還無作色

國史補

李白榼

滄州李巡官之子夜讀書有皂衣肥短人被酒而  
入子懼走其人曰李白尚與我友乃延坐皂衣以  
蓆帽盛酒共飲其父以磚擲之皂衣走帽乃酒榼  
蓋也明日糞壤中得榼故老云此李翰林宅

唐餘錄

酒概卷之一

終